

祭祀札

祭祖通知单

楊氏宗廟為報本事某月某日冬至祀祖通知各房戶人等務宜沐浴齋戒前日下午各備衣冠

民國某年某月某日通知

仪注

祭之前一日值年首士先来将祖龕拂拭栏楣门户桌椅内外厅堂阶坪俱要洁净洒扫

致祭人名執事表

主祭一 分献三 纠仪一 通唱二 引赞八 司帛四 司爵四 读诫词一 读箴词一 歌诗八
司福胙二 司毛血二 司盥洗一 司酒樽一 司钟鼓二 司磬一 司更点一 司肴饌羹饭
四 司炮二 司燎一

冬至前一日下午监牲仪则

通唱行监牲礼 司事者各执其事 击磬 钟鼓齐鸣 放花炮 奏大乐 大乐止 起小乐 主祭孙就位 与祭孙皆就位 诣盥洗所 引执事者酌水进巾 盥洗 盥洗毕 唱诣香案前 引跪 皆跪 上香三 执事者举杯酌酒 奠爵 灌酒 叩首 兴 平身 复位 唱拜 兴四 执事者引主祭孙诣祖位前 跪 皆跪 引献帛 献爵三 俯伏 乐止 读告文 读毕 唱起乐 诣宰牲所 引就位 上香三 献帛 献爵三 揖 再揖 三揖 化财 宰牲 奏大乐 盛毛血 大乐止 起小乐 唱引主祭孙诣祖位前 跪 皆跪 献毛血 叩首 兴 平身 复位 鞠躬 拜 兴四 奏大乐 放花炮 化财 焚文 揖 礼毕 退位

冬至前夕启祖

通唱行启祖礼 司事者各执其事 击磬 钟鼓齐鸣 放花炮 奏大乐 大乐止 起小乐 主祭孙就位 皆就位 引主祭孙诣盥洗所 引执事者酌水进巾 盥洗 盥洗毕 唱诣香案前 引跪 皆跪 上香三 执事者举杯酌酒 奠爵 灌酒 叩首 兴 平身 复位 唱拜 兴四 引主祭孙诣祖位前 跪 皆跪 献帛 献爵三 俯伏 乐止 读告文 读毕 唱奏大乐 执事者启榑 大乐止 起小乐 叩

首兴 平身 复位 鞠躬 拜兴 四 奏大乐 焚文 放花炮 揖礼成 退位

冬至正祭仪注

通唱敦行祀典 内外肃静 执事者各执其事 行省视礼 引主祭孙诣毛血所 引毛血告充
唱诣鼓乐所 引乐器告备 唱诣盥洗所 引乐器告洁 唱诣酒樽所 引酒樽告清 省毕 唱主祭孙
暂立西阶 鼓初严 鸣金一次 放头炮 鼓再严 鸣金二次 放二炮 鼓三严 鸣金三次 放三炮
击磬 钟鼓齐鸣 放花炮 奏大乐 大乐止 起小乐 序立 执事者引主祭孙就位 分献孙与助祭
孙皆就位 乐止 宣诫词 宣毕 奏大乐 瘞毛血 大乐止 起小乐 执事者引主祭孙诣盥洗所 盥
洗毕 引诣香案前行迎神礼 跪 皆跪 上香三 执事者举杯酌酒 奠酒 灌酒 燎脂 乐止 歌迎
神之章 歌毕 起乐 叩首 兴 平身 复位 鞠躬 拜兴 四 行初献礼 进饌 奏大乐 大乐止 起小
乐 执事者引主祭孙与分献孙诣酒樽所 引司樽者举觶酌酒 司爵者捧爵 司帛者捧帛 唱主
祭孙诣始远高曾祖考妣位前 跪 分献孙诣支祖考妣位前 跪 分献孙诣左昭右穆考妣位前 跪
皆跪 献帛 初献爵 献箸 献饌 释箸 献羹 乐止 司祝者诣读祝所 读毕 读祝 叩首三兴 起乐
叩首 兴 平身 复位 行亚献礼 进饌 奏大乐 大乐止 歌亚献进饌之章 歌毕 起小乐 执事者

引主祭孙与分祭孙 诣酒樽所 引司樽者举觶酌酒 司爵者捧爵 唱主祭 孙诣始远高曾祖考妣位前 跪 分献孙诣左昭右穆考妣位前 跪 皆跪 亚献爵 献箸 献饌 释箸 献羹 乐止 歌亚献之章 歌毕 起乐 叩首 兴 平身 复位 行终献礼 进饌 奏大乐 大乐止 歌终献进饌之章 歌毕 起小乐 执事者引主祭孙与分祭孙 诣酒樽所 引司樽者举觶酌酒 司爵者捧爵 唱主祭孙 诣始远高曾祖考妣位前 跪 分献孙诣支祖考妣位前 跪 分献孙诣左昭右穆考妣位前 跪 皆跪 终献爵 献箸 献饌 献饭 释箸 献羹 乐止 歌终献之章 歌毕 起 叩首 兴 平身 复位 行侑食礼 执事者引侑食孙诣祖位前 跪 加爵 献箸 加餐 献羹 献饭 释箸 献茶 乐止 歌侑食之章 歌毕 起乐 叩首 兴 平身 复位 行饮福受胙礼 执事者引主祭孙诣福胙位 跪 饮福酒 反爵 受福胙 反器 乐止 读箴词 读毕 起乐 叩首 兴 平身 复位 谢胙 鞠躬 拜 兴 二撤饌 乐止 歌撤饌之章 歌毕 起小乐 行送神礼 乐止 歌送神之章 歌毕 起乐 鞠躬 拜 兴 四钟 鼓齐鸣 奏大乐 放花炮 捧主登位 焚祝帛 望燎 一揖 再揖 三揖 礼成 退位 监牲文

维 民国某年月日 嗣孙某等 谨以香楮酒醴之仪致告於

宏农堂上杨氏历代始远高曾祖考妣位前曰 万物本乎天 人本乎祖 今以长至日 届将有事於先人 於戲 祀典肇举 备物宜先 爰命庖丁 宰杀牲牷 血膋是取 用申告虔 尚饗

启祖文

维某年月日之良 嗣孙某等 谨以香楮酒醴之仪致告於

宏农堂上杨氏历代始远高曾祖考妣位前曰 日行北陆春到南枝繡刺五纹璇闺纔添弱线葭吹六琯缙室渐动飞灰景物既因时而殊本源宜应候以溯维我祖派分江右业创浏南积德累仁瓜瓞绵三朝之庆敦诗说礼书香焕百代之光既始燕冀之谋合致鸡豚之薦爰先期戒备至质明始行竭此微忱同恪恭而将事告我列祖祈陟降於厥家 谨告

冬至祀祖文

维 中华民国 年 月 日 嗣孙某等 谨以羊一豕一香楮酒醴之仪致祭於

宏农堂上杨氏历代始远高曾祖考妣位前曰 念昔先人德音不忘祥开雀室庆衍鱣堂金畏四知关西名扬程门立雪道重流芳因思木本派衍豫章枝分南楚继述无疆兹值日至宫線添长缙室候气初转一阳敦行祀典莫敢或遑思乐思嗜在上在旁清酒既载先祖是尝粢盛既洁黍稷稻粱以妥以侑降福穰穰人文蔚起弈弈书香

尚饗

又

於戲惟我祖源分周室派衍宏农别江右而来浏迁横头而启宇开七八九甲粮册当年之构造
维艰发大二三房子孙尔日之绳承有自瞻寢庭之悚惕触目兴思顾棖题以彷徨抚怀增感兹者一
阳始复六律新调土圭之日影初长緹室之葭灰甫动载陈黍稷之薦礼隆奉先肅修邊豆之议情殷
报本伏冀远而不迁之祖不祧之宗昭格於上近而列左之昭列右之穆质临在旁鉴孙子一念之惻
忱振宗祊千秋之禋祀以似以续绵世泽於无疆有幹有年服先畴於靡既诗书大启乎门第户诵家
絃簪笏迭耀乎冠裳前后裕 尚饗

诚词

祭祀 祖先务宜敬恭申报本之诚恪尽追远之礼毋起邪念毋生妄嗔毋轻举止毋苟笑谈毋交
头接耳毋侧牟横冠尚或怠忽不惟不降尔福且咎及尔身各宜凜凜慎毋失议致貽羞于我先人

迎神之章

一旦蹙發 躋彼公堂 念昔先人 怀允不忘 小大稽首 以往烝嘗 神之格思 穆穆皇皇

初献进饌之章

肆筵设席 或剥或烹 取萧祭脂 苾苾芬芬 是用孝享 于豆于登 酌言献之 其香始升
亚献进饌之章

礼仪既备 济济跄跄 是烝是享 祝祭于祊 昭兹来许 或肆或将 孝孙徂位 不敢或遑
亚献之章

乐既和奏 烝衍烈祖 詒阙孙谋 以燕翼子 子子孙孙 绳其祖武 于以奠之 受天之祜
终献进饌之章

嗟嗟列祖 既右饗之 为豆孔庶 鼎鼐及鼐 神嗜饮食 孔惠孔时 奏假无言 悠悠我思
终献之章

清酒既载 与其忝稷 以享以祀 以引以翼 子子孙孙 曷其有极 於万斯年 并受其福
侑食之章

躋彼公堂

徹饌之章

昭格烈祖 是饗是宜 既醉既饱 废徹不迟 乐具入奏 备言燕私 奉先思孝 振古如兹

送神之章

为酒为醴 烝𤋖祖妣 嗜饮嗜食 神具其止 鼓钟送（尸？）其从为雨 降福孔皆 自今以始
望燎诗

工祝致告 燎之方扬 火烈俱举 休有烈光 跋予望之 先祖是皇 享祀不忒 受福无疆

箴词

祖宗家训 箴汝子孙 小心翼翼 诰诫谆谆 思汝先人 成家不易 勤力自强 克光门第 男
孝父母 女敬翁姑 和邻睦祖 范彼前模 汝其听受 神其眷佑 俾尔子孙 多福多寿 有冥顽出
而乎大闲 内生嫉妒 外肆兇奸 勿供祭祀 违禁越度 戕害宗支 毁伤坟墓 不信报应 不安命
运 心像戈矛 貌像恭敬 神不尔賚 天不尔康 若能迁善 转灾为祥